

Lebnen el Seryene page is unethical

رغم كوني ماروني المذهب،

ورغم كون اللغة السريانية عندي، وأصلاً بدون جميلتي، لغة رائعة عطيت كثير للتاريخ وللبرية وللمسيحية،
ورغم انو انا شخصياً كنت مفكر انو لغتنا الام هي السريانية بفترة ما كنت تعمقت فيها بعد بالأبحاث اللغوية بما فيه الكفاية،

ورغم تنبيهات حبية عديدة لصاحب هالصفحة بأن يلتزم المعايير العلمية بكتاباته وبارشاده الى المعاجم المتاحة للتأكد من معلوماته وبإبراز البراهين إبان كل تنبيه (لأن انا ما بلوم شخص ع قديش بيعرف، بلوموا ع رفض تحديث معرفته)، وصلت معن يقولوا انو كلمة بيت من أصل سرياني، بوقت بكلمة بيت هي الكلمة يلي ع اساسها تسمى حرف ال ب بالكنعاني (يعني بالفينيقي وفق التسمية اليونانية).

بتقولولي انو معلش مشينا، البلد فارط وكنعانية (مسيحية) ما بقا في وبالك بهالتفاصيل؟

اخوتي، عدا عن الحقيقة العلمية والاخلاقيات بعدم سرقة الهويات،

إذا الكنعانيين بدن حل سياسي الن عبر كانتون او دولة، اكيد بدو يتم الغاء صفة العروبة الملصوقة زوراً عنن ويعتمدوا لغتن الام كلغة رسمية.

بس لمن ينطرح انو لغتنا الام ولغتنا المحكية هي السريانية، وانو جدودنا كانوا يحكوا سرياني، عم يتم الاعتبار انو اي كانتون / دولة "مسيحية" لازم تعتمد اللغة السريانية.

بس هالشي ح يشمل الروم، وهني مش ممكن يقبلوا، ومعن حق. ونحنا كمان بصير لازم إجباري نتعلم اللغة السريانية عالمستوى الفصح لنكتب فيها بيوميائنا أدب وقانون وسياسة (وكل شي، يعني مش بس للصلى) بدل ما نكتب لغتنا المحكية الحالية، يعني فرق كبير.

يعني مشروع مشكل، غير انو سرقة هوية من الاساس.

يعني شو الفرق مع العروبيين يلي يقولوا انو كلمة بيت أصلها عربي؟

ما تنسوا انو هيدا الفكر، انو كلمة بيت أصلها عربي، واعتبار انو لغتنا الام هي العربي ولغتنا المحكية هي العربي، اودت الى قبول الكنعانيين (المسيحيين) بقبول تبني اللغة العربية كلغة رسمية للبنان،

وهاللة الرسمية كانت الشرط لدخول الجامعة العربية،

ودخول الجامعة العربية كان الباب لدخول لبنان الصراع العربي - الاسرائيلي،

يلي كلفنا كل هالحرب ولليوم مش قادرين ننفضل عتو.

السرطان ببش بحبة زغيرة. غصو النظر وشوفو شو بصير.

من هون صرت مجبور بلع معارفي من مسيحية لبنان انو صفحة "لبنان السرياني" رغم كثير معلومات حلوة بحطوها،

هي صفحة غير اخلاقية (unethical). بيحكوا عالروبيين وبيعملوا متلن. للأسف.

Click on one of those and read several related posts as to our true language:

#مش_عارف_شو_عمتحي# msh_3arif_shu_3amt7ke# ʔdʔʔo_ʔw_ʔʔo_wʔʔ